



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Acta Ecclesiae Mechliniensis, Anni M. DCC. XVIII. Circa  
Bullam Unigenitus**

**Archidiocèse <Malines>**

**Bruxellis, [1719]**

Exemplar Epistolæ Episcoporum Belgii Ad. SS. D. N. Clementem XI.

**urn:nbn:de:hbz:466:1-40699**



EXEMPLAR EPISTOLÆ  
EPISCOPORUM BELGII  
AD SS. D. N.  
CLEMENTEM XI.

BEATISSIME PATER



Otis nostris Deo Ter Opt. Max. solemniter redditis pro diurnâ Sanctitatis Tuæ incolumitate, undevigesimo anno sapientissimi juxta, ac vigilantissimi Ecclesiæ Catholicæ regiminis feliciter inchoato, ad Apostolatûs Tui Principatum accedimus, ad universalem Pastorem Gregis Dominici, cujus partem Nobis commissam sub altius præfidente, & præeminente celsiore fastigio speculæ Pastoralis, ad salubria pascua Catholicæ Fidei, morumque doctrinæ dirigere, hæcenus conati sumus. Immobile Fidei Fundamentum cum S. Augustino, & priscis omnibus Ecclesiæ Patribus in Te semper agnovimus, Pater Beatissime, supra quod Ædificii Ecclesiastici altitudo consurgit, à quo, si vel ad latum unguem recedatur, ruere omnia in præceps, ac Pastores ipsos cum ovibus in manifestam perniciem, & interitum prolabi, necesse est. Id Nos docuit æterna ipsa Incarnata sapientia, id Traditio, Concilia; ætatum omnium Venerandi, Sanctique Antistites, Patres, Doctores, verbo, Nationum omnium,

\* 2 scrip-

scriptores Catholici, & olim professi sunt, & hodiè profitentur, conterendos eos demum, qui à Vestrà Sede defecerint, quæ ipsa Principis Apostolorum est, per quem convicta, atque expugnata sunt hæreticorum omnium, schismaticorumque commenta. Vicina horremus scandala, atque infandam rerum Divinarum, profanarumque commixtionem execramur, in id totis viribus intenti, ne in Ecclesiis Nostris, vel clanculùm irrepat, vel furtivè serpat, vel quoquo se modo insinuet, inauditum prorsus à Catholicis Episcopis exemplum. Necessaria sanè fuit, Beatissime Pater, diùque à Nobis expectata sapientissima illa Vestra Constitutio, *Unigenitus Dei Filius*, ex Spiritu Sancto dictata per os Sancti, ac Beatissimi Principis Apostolorum, à digito vestro scripta, quâ centum & unum perversorum hominum placita solenni anathemate configuntur, quamquè proindè in nostris singuli Diocæsis promptissimâ Summo Ecclesiæ Rectori obedientiâ, & submissione incunctanter suscepimus, avidè amplexi sumus, continuò publicari curavimus, & toto Belgio Catholico ab omnibus acceptatam, illibatam Fidei, morumque Regulam esse voluimus. Hæc muneris nostri partes, Pater Sanctissime; quibus id modò superaddimus, ut Sanctitati Tuæ debitas pridem gratias referamus, quòd tam opportuno remedio renascentes quotidie, & ex obtritis olim hæresibus repullulantes errores, falce ad radicem missâ, penitus extirpaveris. Tantùm profectò in hæc meditandâ, condendâque sanctione, virtutis, & divini luminis ostendisti, ultimos tortuosi colubri flexus rescindendo, ut in Te uno collectæ videantur dotes illæ, quæ Decessores Tuos, Romanos Pontifices, ejusdem hæreseos interemptores pridem nobilitarunt. Prompti remedii necessitas nunquam clariùs apparuit, quàm, cum eos, quos ista lues afflaverat, principio titubare, sensim im-

modestiùs

modestiùs obstrepere, tum apertiùs refragari, demùm in exitialem contumaciam erumpere incredibili cum nostro mœrore conspeximus. Quot autem, quantæ, & quàm diuturnæ perrumpendæ difficultates fuerint, ut eam controversiam dirimeres, quam indefesso studio singulos errorum angulos scrutatus sis, quot vigiliis Tibi constiterit, illæsâ S. Augustini auctoritate latitantes sub ejus umbra errores contundere, gratâ recordatione meminimus; eâque adeò longè gratiori, quòd eo pacto infecta, corruptaque pascua detexeris, à quibus Greges nostros securiùs custodiremus. Eamdem Nobiscum gratitudinem totius Orbis Catholici Præsules testatissimam reddidêre, ut universi planè obstupuerint, repertos nonnullos, qui ad immobilem Fidei Petram duras cervices allidere non formidarent, desertâ Pastoris voce ad profanam novitatem dilapsi, quo Paternum Tuum animum vehementissimè excruciatum non semel demonstraisti, iis nihilominus pacis, & lænitatis usus consiliis, quæ ad oves, periculo proximas, retrahendas saluberrima judicasti; nihil intentatum relinquens, quo aberrantes in viam salutis reduceres. Tum verò incomparabilem illam Tuam mansuetudinem, incredibilem tolerantiam, clementiam inexhaustam admirari licuit, dum immorigerorum filiorum audaciam, temeritatem & perviciam tam longanimiter sustinuiisti, ut dubium putemus, majorem-ne in edendâ ipsa Constitutione, an in harum virtutum tam illustri Testimonio gloriam Tibi conciliaveris. Lenem Te Patrem satis diu experti sunt refractarii homines, at sapientiæ Tuæ, prudentiæ, & Pastoralis fortitudini media non defutura censemus, quibus Sanctionum Tuarum acerrimum Te aliquandò vindicem sentiant, depulsisque turbarum nebulis, veritas Catholica de ipsis inferorum portis triumphet. Turpem maculam parti illi Ecclesiæ Gallicanæ rebellanti iniustam, amaris lacrymis

crymis

crymis deflere cogimur; id interim solatii Tuæ Sanctitati afferentes, quòd devium illum, & pervicacem erroris spiritum ab Ecclesia Nostra Belgica, saltem prò maxima, potiori, nobiliorique parte, penitè exulare confidamus; non sine summa fiducia fore, ut si quos forte, Nobis invitissimis, contagiosum malum afflaverit, ii per Dei gratiam ad debitam obedientiam compellantur. Hæc nostra, nostrorumque Regula est, Pater Beatissime, nec aliam agnoscimus, quàm ut Cathedræ Tuæ inviolabili communione consociati, eos, qui tecum non colligunt, ut dispersores, dissipatoresque fugiamus. Super Apostolorum Principis Petram ædificatam Ecclesiam scimus, Nostri sunt, qui Tuæ Cathedræ junguntur: id Catholicum credimus, quod à Tua Sede proficiscitur, quod contrà est, omne respuimus. In hæc fide, in perpetuâ obedientiâ, in demississimâ veneratione Ecclesiarum omnium Capiti, sine ullo typho Sacrilegæ superbiæ, sine ulla inflata cervice arrogantia, sine ulla contentione lividæ invidiæ, cum Sancta humilitate, cum charitate Christiana, indissolubili vinculo æternùm copulabimur. Et Sanctitatis Vestræ pedes, corde, & animo provoluti, deosculamur.

Die Sancto Clementi Sacrà 1718.

Humillimi, Devinctissimi, & Obedientissimi Servi,  
& Filii.

THOMAS *Archiepiscopus Mechliniensis.*

P. E. *Episcopus Gandavensis.*

FERDINANDUS *Episcopus Namurcensis.*

F. ANGELUS *Episcopus Ruræmondensis.*

PETRUS JOSEPHUS *Episcopus Antverpiensis.*

HENRICUS JOSEPHUS *Episcopus Brugensis.*

PETRUS GOVARTS *Vicarius Apostolicus Sylvæduccensis.*